

痧

喉

正

義

痧喉正義敘

喉證一門自古本有專科按方取義不待智者而自知然識證固屬不易知時則爲尤難南北分途寒溫各異喉證發於天氣炎亢之時其常也發於陰雨溼蒸之候其變也同學張君筱衫攻舉業之暇考究方書厯有年所緣今歲邗上喉患盛行死亡相繼目擊神傷乃集先輩治喉之良法綴以案語名曰痧喉正義抉擇甚精折衷極當宜今秋邗上賴君全活者甚眾良工心苦可敬可慕書成索序於余余葑菲庸材何敢妄議不得已勉贅數言聊以塞責未免令方家齒冷爾時

光緒十五年十一月下澣興化江曲春澤之敘於海陵客館

痧喉正義敘

疫者何穢濁氣也西人謂之炭氣疫何以爛喉其氣徑鼻入肺喉爲肺之門戶故病見於此也又何以發痧疫氣道氣管趨血管道血管周一身故由此達表也其證古少今多且每發於人煙稠積處者地球生氣日濃炭氣亦日重人繁穢盛穢盛故疫多也翔自弱冠學醫於內景諸說竊滋疑焉繼知玉田王氏親見臟腑亟取其書觀之竟翻軒歧以來四千餘年之成案顧亦未敢遽信後聞西醫剖視遺骸復求讀其書標新領異詫爲海上奇談去歲道經滬濱觀西醫蠟範人形

歸取其書再讀之始恍然於其說之果有據也蓋其議論與王氏多隱合與靈素及後世諸家亦消息潛通試舉數端以證疫喉痧之說地球之上生氣瀰綸西人分濃者爲養氣淡者爲淡氣清者爲清氣濁者爲炭氣謂穢濁之區炭氣所聚人多病疫與喻張葉吳諸家謂疫爲穢邪程鏡宇謂疫爲濁陰地氣詳略不同所見一也其謂肺中有氣管二歧爲眾小管管末端有氣胞與血管網支相連網支下達心心運血壓周身微絲血管入迴血管還至於肺此卽吸入之邪由氣入血之道路葉香巖謂肺邪逆傳心包吳鞠通謂痧爲血絡中

病二說與之相符竇氏沙氏治疫痧用活血藥亦此意也又謂人一吸入養氣一升一呼出炭氣一升草木之葉出養攝炭與人相濟故山林人少疫輕城市人多疫重與紀文達筆記人氣最熱之說足相發明西書雖立論新奇而精詳確鑿實與中國醫學殊途同歸王孟英稱其說理最精非虛揣空談誠知言哉寶應張筱衫先生見疫喉痧證日多天殤接踵乃折衷諸說彙爲一書辨證立方各法具備名曰痧喉正義將付剞劂屬爲弁言遂述管見如此先生其笑我爲醫中楊墨乎光緒十五年己丑十二月江都孫鳳翔犢山敘

痧喉正義敘

方今行疫癘之氣發痧喉之證刊上爲最一家病者或亡二三或亡四五其故何哉自八月下旬雨至十月初旬乃止晴曦溫煖冬勝於春溼鬱熱蒸釀成疫氣氣由口鼻而入病居肺胃之間初發憎寒壯熱煩渴不甯痧點隱隱咽喉紅腫白腐幸獲余診則危者安逆者順矣間有病勢垂危邀余治之十救一二殂者七八小兒輩較多於焉目擊心傷揆其所自或因投升柴羌葛一切風燥諸品升提痧毒盤踞吸門一誤也或服麻黃桂枝蒼朮香砂一切辛熱藥味助毒上衝俾痧

毒壅蔽不能外達致成內攻之患二誤也抑或外感新涼不知宣表遽以芩連黃柏大黃一切苦寒之劑用以泄火實則冰伏疫毒遏鬱不發熱愈盛喉愈爛致成悶斃三誤也又或不知禁忌腥膻炙煖甜黏米飲之類俾助胃火熏蒸閉塞四誤也余方於釐正按摩要術四卷醫要提要說一卷之後爰集近來各家疫喉痧證治或著一說或註成書每篇後繫以案語是則是非則非以歸於正顏曰痧喉正義以求方家匡其不逮共救海內之染是證者光緒十有五年十月中澣寶應楊鴈子張振鏊原名體泉筱衫自敘於竹西旅館

痧喉正義凡例

一痧喉一證近來層見疊出天殤頗多最爲可憫總由初病誤治旣誤猶不自知遂至以誤沿誤貽害無窮故出是書以正之

一先賢以及近來各家所論疫證痧證喉證理合采輯以備參考疫喉痧合三證而爲一證也

一痧喉古無證治雍正乾嘉以後方有論說或著成書允宜彙集成編其詞意之重複者汰之冗長者節之務期簡淨不支

一痧喉陳編瑕瑜互見每分一則綴以案語力爲辨晰當衰者衰之當貶者貶之俾知所遵從也

一書無圈點明通者尙能清晰淺庸者句讀莫分是書可法者連○不可法者△驗方連○以期一目了然

痧喉正義一卷目錄

喻嘉言論疫

葉香巖論疫

余師愚論疫

鄒滋九論疫

顧祖庚論疫

王孟英論疫

王晉三論痧

葉香巖論痧

余師愚論痧

邵新甫論痧

陳元益論痧

屠彝尊論痧

繆仲淳論痧

吳鞠通論痧

張善吾論疫喉

吳鞠通論疫喉

李純脩論痧喉

祖鴻範論痧喉

唐迎川論痧喉

王步三論痧喉

高錦庭論痧喉

陳繼宣論痧喉

顧玉峯論痧喉

朱鐵山論痧喉

王孟英論痧喉

沙耀宗論痧喉

程鏡宇論痧喉

王聘之論痧喉

施小橋論痧喉

痧喉正義總論

痧喉正義一卷

寶應楊鴈子張振鏊原名醴泉筱衫纂輯

丹徒張 質幼樵校刊

喻嘉言論疫

順治年間喻嘉言名昌西昌人也著有尙論篇醫門法律寓意草其論疫則曰溼溫一證卽藏疫癘在內一人受之則爲溼溫一方受之則爲疫癘此卽仲聖所云清濁互中之邪也石頑亦云時疫之邪皆從溼土鬱蒸而發土爲受盛之區平時污穢之物無所不容適當邪氣蒸騰不異瘴霧之毒或發

於山川原陸。或發於河井溝渠。人觸之者皆從口鼻流入募
原而至陽明之經。脈必右盛於左。蓋溼土之邪以類相從而
犯於胃。所以右手脈盛也。陽明居太陽之裏。少陽之外。爲三
陽經之中道。故初感一二日間。邪犯募原。但覺背微惡寒。頭
額暈脹。胸膈痞滿。手指痠麻。此爲時疫之報。使與傷寒一感。
便發熱頭痛不同。至三日以後。邪乘表虛而外發。則有昏熱
頭汗。或咽腫發斑之患。邪乘裏虛而內陷。或挾飲食則有嘔
逆痞滿。嘈雜失血自利吐衄之患。若其人平素津枯兼有停
滯。則有譫語狂言舌苔黃黑大便不通之患。平素陰虧。則有

頭面赤熱足膝逆冷至夜發熱之患若喘噦冷汗煩擾瘕瘕等證皆因誤治所致也蓋傷寒之邪自表傳裏溫熱之邪自裏達表疫癘之邪自陽明中道隨表裏虛實而發不循經絡傳次也以邪既伏中道不能一發便盡故有得汗熱除一二日復熱如前者有得下裏和二三日復見表熱者有表和復見裏證者總由邪氣內伏故屢奪屢發不可歸咎於調理失宜復傷風寒飲食也外解無如香豉葱白連翹薄荷之屬內清無如滑石芩連山梔人中黃之屬下奪無如硝黃之屬如發熱自利宜葛根芩連胸膈痞滿宜枳桔香附嘔吐呃逆宜

藿香苓連。衄血下血。宜犀角丹皮。發斑咽痛。宜犀角牛蒡。煩渴多汗。宜知母石膏。愈後食復勞復。宜枳實梔豉。隨證加萎蕤茯苓丹皮芍藥之類。皆爲合劑。而香豉人中黃。又爲時疫之專藥。以其解溫疫時行外內熱毒也。當知其證雖有內外之殊。一皆火毒爲患。絕無辛溫發散之例。每見窮鄉僻壤無醫藥之處。熱極恣飲涼水。多有浹然汗出而解者。此非宜寒涼不宜辛熱之明驗乎。故一切風燥辛熱。皆不可犯。麤工用羌獨柴前蒼芷芎防之屬。引火上逆亢熱彌甚者。以風燥之藥性。皆上升橫散。如鑪冶得鼓鑄之力也。用樸半檳榔青皮。

木香等耗氣之藥。胸膈愈加痞滿者。如堰苗助長之道也。有下證已具。而遲疑不敢攻下。屢用芩連不應者。此與揚湯止沸不殊也。至於發狂譫語。舌苔焦黑。而大便自利。證實脈虛。不可攻者。及煩熱痞悶。冷汗喘乏。四肢逆冷。六脈虛微。不受補者。皆難圖治也。時疫變證多端。未能一一曲盡。聊陳大略於此。

案喻論發熱自利。宜葛根芩連。王孟英以葛根用宜慎。易以滑石銀花較安。胸痞宜枳桔香附。王以桔梗太升。須少用。香附太燥。宜酌用。當以厚樸主溼滿。石菖蒲主痰痞。貝

母主鬱結爲是嘔吐呃逆。宜藿香苓連。王以藿香不如竹
茹。枇杷葉較喻法尤爲周到。總之溫病至今愈出愈奇。醫
學至今愈求愈精。負盛名講實學喻氏而後。指不勝數。近
時王孟英殆與葉香巖徐洄溪諸人抗衡者歟。楊厲子

葉香巖論疫

葉香巖論疫癘穢邪。口鼻吸受。分布三焦。瀰漫神識。既非風寒客邪。亦非停滯裏證。故發散消導。卽犯劫津之戒。有朱姓者。病喉痛。丹痧。舌如硃。神躁暮昏。上受穢邪。逆走膈中。爲之清血絡。以防閉結。解疫毒。以驅穢濁。使九日外。不致昏憤。冀其邪去正復。用犀角。連翹。生地。元參。菖蒲。鬱金。銀花。金汁。姚姓病疫毒。口糜。丹疹。喉啞。治以上焦之藥。犀角。鮮生地。元參。連翹。石菖蒲。銀花。金汁。至寶丹。譚姓病口鼻吸受穢濁。自肺系漸于心胞絡。喉痛。舌燥。恐發閉神昏。用元參。連翹。銀花。鬱

金石菖蒲。旋葉射干。牛蒡。沖入真白金汁一杯。

案香巖名桂號天士。神於醫。章虛谷。俞東扶。吳鞠通。皆宗之。尊爲醫中之聖。著有本草論。溫熱篇。本事方釋義。景岳發揮。葉氏臨證指南。葉氏醫案存真。其治疫也。辛寒以開閉結。芳香以驅穢濁。爲千古治疫之祖。痧喉證本由於疫。亦宜逐穢爲先。司命者法葉治之。自能奏效。惕厲子

余師愚論疫

乾隆時余師愚著疫疹一得其論疫則曰疫證初起有似傷寒太陽陽明證者然太陽陽明頭痛不至如破而疫則頭痛如劈沈不能舉傷寒無汗而疫則下身無汗上身有汗惟頭汗更盛頭爲諸陽之首火性炎上毒火盤踞於內五液受其煎熬蒸氣上騰如籠上熏蒸之露故頭汗獨多此又痛雖同而汗獨異也有似少陽而嘔者有似太陰自利者少陽之嘔脇必痛疫證之嘔脇不痛因內有伏毒邪火干胃毒氣上衝吐嘔頻作太陰自利腹必滿疫證自利腹不滿大腸爲傳送

之官熱注大腸。有下惡垢者。有旁流清水者。有日及數十度者。此又證異而病同也。乾隆戊子年。吾邑疫疹流行。先惡寒。後發熱。頭疼腰疼。腹疼嘔瀉兼作。大小同病。萬人一轍。有作三陽治者。有作兩感治者。有作霍亂治者。迨至兩日。惡候蜂起。危證難以枚舉。如此死者。不可勝計。良由醫者固執古方之所致也。要之執傷寒之方以治疫。焉有不死者乎。是人之死。不死於病。而死於藥。不死於藥。而死於執古方之醫也。疫證乃外來之淫熱。非石膏不能取效。立清瘟敗毒飲。以犀角地黃湯白虎湯加甘寒合爲一劑。疫證條辨七十一本。是方

以加減之

案自古各家論疫。寒者少。熱者多。仲聖至今千百年來。寒疫愈少。熱疫愈多。而且熱疫之見證者。千奇百怪。多出人意料之外。敗毒飲甘苦寒大劑。爲古方所未見。蓋古方既不可執。卽今年之方。或不宜於來年。惟在司命者。審病因。參脈色。變通以施治。方不媿爲良工。楊厲子

鄒滋九論疫

鄒滋九論疫癘一證。從口鼻而入。直行中道。流布三焦。非比傷寒之宜表也。蓋疫爲穢濁之氣。古人所以飲芳香采蘭草以襲芬芳之氣者。重滌穢也。及其傳變。上行極而下。下行極而上。是以邪在上焦者爲喉啞。爲口糜。若逆傳臚中者爲神昏舌絳。爲喉痛丹疹。讀葉氏方法。清解之中。佐以芳香宣竅。逐穢如犀角。菖蒲。銀花。鬱金等類。兼進至寶丹。從表透裏。以有靈之物。內通心竅。搜剔幽隱。通者通。鎮者鎮。若邪已入營三焦相溷熱愈結。邪愈深者。理宜鹹苦大製之法。仍恐性速。

直走在下。故用元參、金銀花、露金汁、瓜蒌、反輕揚理。上所謂
仿古法而不泥於法者也。考是證惟張景岳喻嘉言、吳又可
論之最詳。然宗張喻二氏恐有遺邪留患。若宗吳氏又恐邪
去正傷。惟在臨證權衡無盛盛無虛虛而遺人夭殃。方不愧
爲司命。

案喻西昌論疫重在逐穢。與葉氏同一治也。張吳各有所
偏。當在葉氏下。其論葉氏治法上焦以辛芳開之。下焦以
鹹苦鎮之。無不盡之意。無不達之辭。亦葉氏之功臣也。
子厲惕

顧祖庚論疫

顧祖庚名彭年號雁庭吳門人論疫癘之證必須辨明疫證而後能治疫疫何以辨但於每年聞見中有一二病情相類者亟宜留心以病有來蹤去跡奇奇怪怪傳變遲速不近情理較諸正傷寒風溫溫熱溼溫暑暍等證不同者是疫也脈證不必大涼投大涼藥而無害者卽爲疫脈證可進溫補投溫補而漸不安者卽爲疫治疫之法以解毒爲主故吳又可用大黃張路玉用人中黃以童便配葱豉葉香嚴用銀花金汁犀角黃連生甘草等味十方九用喻嘉言以上焦如霧升

而逐之。佐以解毒。中焦如瀉。疏而逐之。佐以解毒。下焦如瀉。決而逐之。佐以解毒。觀其旨。上中下則有升疏決之異。而獨諳諳於解毒一言。非反復丁寧示人以真諦也哉。

案顧論治疫以解毒為主。歷舉各家確有卓見。痧喉傳染一家一邑。大小同病。自是疫氣。解毒是治痧喉要訣也。

楊厲

子

王孟英論疫

王孟英讀雞峰普濟方論外感諸疾以四時之中有寒暑燥溼風五氣相搏善變諸疾今就五氣中分清濁則暑燥爲天氣係清邪風寒溼爲地氣係濁邪然則仲聖所云清邪中上者不僅霧露之氣而書傳兵火之餘難免遭亡之憾否則疫乃大證聖人立論何其略耶後賢論疫各有精義亦皆本於仲聖清濁互中之旨若但中暑燥之清邪是熱淫爲病治法與嘉言又可異後人從未道及惟秦皇士云燥熱疫邪肺胃先受故時行熱病見脣焦消渴者宜用白虎湯惜語焉未詳

夫暑卽熱也。燥卽火也。金石不堪其流燂。况人非金石之質乎。徐后山柳崖外編。嘗云。乾隆甲子五六月間。京都大暑。冰至五百文一斤。熱死者無算。九門出櫬。日至千餘。又紀文達公云。乾隆癸丑。京師大疫。以景岳法治者多死。以又可法治者亦不驗。桐鄉馮鴻臚星寶姬人。呼吸將絕。桐城醫士投大劑石膏藥。應手而痊。踵其法者。活人無算。道光癸未。吾鄉郭雲臺纂證治鍼經。特采紀說。以補治疫之一法。然紀氏不詳姓氏。讀之。令人悵悵。越五載。毘陵莊製亭官於長蘆。重鐫疫疹一得。始知紀氏所目擊者。乃余君師愚也。原書初刻於乾

隆甲寅而世鮮流行。苟非莊氏幾失傳矣。余讀之。雖純疵互見。而獨識淫熱之疫。別開生面。洵補昔賢之未逮。堪爲仲景之功臣。

案疫有清邪有濁邪。王以風寒溼爲濁邪。喻氏論溼溫卽爲疫癘。濁邪之疫也。以暑燥爲清邪。清邪之疫也。暑燥皆火也。白虎涼颺。頓除火燄。石膏爲寒水之品。以寒勝熱。以水勝火。自是不刊之論。同一疫也。而有濁有清。須詳察病因。兼參脈證。乃能攸往咸宜。

楊厲子

王晉三論痧

古吳王晉三名子接前明時人著有絳雪園古方選註其論痧癰則曰痧癰初發以肺經藥主之風溫雖分逐年歲氣雜至要皆輕清之邪或從口鼻或襲三焦四時皆有惟春爲甚聶久吾曰治痧癰最忌誤用辛熱驟用寒涼宜治以防風解毒湯防風荆芥薄荷牛蒡以辛散之石膏知母連翹淡竹葉辛寒以清之木通通氣枳殼疎表桔梗甘草載引諸經以達肺經痧癰熱邪壅於肺逆傳於心胞絡喘咳煩悶躁亂狂越者非西河柳不能解繆仲淳嘗獨用西河柳葉風乾爲細末

水調服四錢。喘躁立定。水漿不入口者。灌之可生。力贊其爲
神秘之方。又戒人慎勿用定喘藥。惟應大劑竹葉石膏湯。竹
葉石膏牛蒡荊芥蟬蛻薄荷麥冬知母乾葛生甘草冬米加
西河柳兩許。另出心裁。表裏施治。蓋以客邪犯心肺。營衛並
傷。非獨主於裏也。大凡灼熱在表而見諸證者。則有竹葉石
膏之辛涼解肌發汗。熱毒蘊裏而見諸證者。則有西河柳之
鹹溫潤燥開結和營。以解天行時熱了無餘蘊矣。

案王引韞論痧忌辛熱。治以辛寒。熱邪逆傳。煩躁狂越。以
西河柳解之。引繆氏力贊其妙。並言西河柳鹹溫潤燥。主

聶說以辛寒。主繆說以鹹溫。一寒一溫。兩相齟齬。況西河柳生於春。其性溫。吳鞠通言之詳切。確有見地。近來市醫不求往訓。誤用西河柳入口。卽殂。親見甚多。勿以王選爲概。可法也。楊厲子

葉香巖論痧

葉香巖論痧。痧吳音爲痧。浙音爲瘡。北音爲疹。爲丹。方書謂足陽明胃疹。如雲密佈。或大顆如痘。但無根盤。手太陰肺疹。但有點粒。無片片者是也。春令發痧。從風溫。夏季從暑風。暑必兼溼。秋令從熱。燥燥氣。冬月從風寒。痧本六氣客邪。風寒暑溼。必從火化。痧既外發。世人皆云邪透。孰知出沒之際。升必有降。勝必有復。嘗有痧後身熱不除。致咽啞齧腐。喘急腹脹。下痢不食。煩躁昏沈。竟以告斃者。皆屬裏證不清。致變故。古人以痧爲經腑之病。忌溫燥。濇補。所謂痘喜溫。補。疹喜清。

涼也。然常有氣弱體虛，表散寒涼，非法釀成，損怯傷陰爲多。救陰宜扶持胃汁，氣衰者亦有之。亟當益氣，穉年陽體純剛之藥，忌用。幼科方書歌括曰：赤疹遇清涼而消，白疹得溫煖而解。溫煖如酒釀，檉木麤草紙木棉紗之屬。然近年用者多無益。蓋痧屬陽明經邪，初起必從表治。證見頭痛喘急，咳嗽氣羸，嘔惡一二日發者輕，三五日者重，七日外隱伏不透，邪內攻而喘不止，心腹痛脹秘悶危矣。治法宜苦辛清熱涼膈，去硝黃，總之治痧疹辛涼爲宜。連翹辛涼，翹出衆草，能升能清。表邪口渴者加葛根，以其升陽明胃津，熱甚煩渴用石膏。

辛寒解肌。無汗忌用。凡病在上焦。藥氣味宜輕。宜辛涼。以肺主氣。皮毛屬肺之合。外邪宜辛勝。裏甚宜苦勝。若不煩渴。病日多。邪鬱不清。宜淡滲以洩氣分。中焦藥。痧火在中。爲陽明燥化。多氣多血。用藥氣味苦辛寒爲宜。若日多胃津消燦。苦則助燥劫津。甘寒宜用。下焦藥。鹹寒苦爲主。若熱毒下注成痢。不必鹹以軟堅。但取苦味堅陰燥溼。忌升提。忌補澀。輕則分利宣通。重則苦寒解毒。有張姓者。伏氣熱蘊三焦。心癰發熱。煩渴。遍體赤斑。夜躁不寐。兩脈數搏。治以羚羊角。犀角。連翹。心元參。心鮮生地。金銀花。花粉。石菖蒲。嚴姓病溼溫。身發

斑疹。飲水渴不解。夜煩不成寐。病中強食。反助邪威。議用涼
膈疏斑方法。連翹。蘇薄荷。杏仁。鬱金。枳實汁。炒牛蒡。山梔。石
膏。復診。舌邊赤。昏譫。朝輕夜重。斑疹隱約。是溫溼已入血絡。
心主血。邪干膈中。漸至結閉。爲昏瘡之危。苦味沈寒。竟入中
焦。消導辛溫。徒劫胃汁。皆溫邪大禁。議清疏血分。輕劑以透
斑。更參入芳香。逐穢以開內竅。用犀角。元參。連翹。銀花。石菖
蒲。先煎。後入雪白金汁一杯。臨服。研入周少川牛黃丸一九。
江姓。病風溫發痧。薄荷。連翹。桔梗。生甘草。赤芍。牛蒡子。桑皮。
山梔。章姓。病涼風外襲。伏熱內蒸。喘咳身熱。始而晝熱。繼而

暮熱自氣分漸及血分。齟肉紫而發疹。治以辛寒清散爲是。
連翹薄荷桑皮杏仁苡仁石膏淡竹葉。王姓病痧隱太早咳
喘發熱。宜開肺氣。連翹薄荷桑皮杏仁象貝鬱金木通紫苑。
王姓病發痧不透。熱毒內陷深藏。上薰肺爲喘。下攻腸爲利。
冬溫火化之證。宜遵經火淫於內。治以苦寒。幼科不究病本。
不明藥中氣味。愈治愈劇。治以川連黃芩滑石銀花連翹生
甘草丹皮地骨皮。王姓病痧後咳嗽喉痛。元參犀角鮮生地。
連翹花粉丹皮。鄒姓病咽痛鼻燥。唇腫自利。風溫熱化發疹。
上焦熱熾。用辛涼微苦以泄降。連翹黃芩犀角桔梗牛蒡杏

仁元參通草。譚姓病溫。邪時癘。觸自口鼻。穢逆游行三焦。而爲麻疹。目赤鼻煤。吐蛔瀉蛔。津津汗出而喘渴欲飲。當與苦辛寒。劉河間法。世俗不知。僉曰發痧。但以荆防蟬殼升提。火得風颺。燄烈莫遏。津劫至變矣。涼膈去硝黃。加石膏牛蒡赤芍。

案葉論痧癘表邪口渴。加葛根升胃津。是本無喉病而但以治痧癘用之。喉痧忌升提。葛根輕升。非所宜也。謂白疹得溫煖而解。以疹白屬寒也。然正不可泥。其論痧爲經腑之病。忌溫燥澀補。宜辛涼辛寒芳香法。既能開結。又能逐

穢卽至火鬱痰生亦兼以治之神乎技矣當鑄金以事子厲惕

余師愚論痧

余師愚於論疫之後。卽論治痧疹之法。痧疹出於胃。胃爲十二經之海。上下十二經。都朝宗於胃。胃能敷布十二經。榮養百骸。毫髮之間。靡所不貫。毒既入胃。勢必敷布於十二經。故害百骸。使不有以殺其炎炎之勢。則百骸受其煎熬。不危何待。疫旣曰毒。其爲火也明矣。火之爲病。其害甚大。土遇之而焦。金遇之而鎔。木遇之而焚。水不能勝。則涸。故易曰。燥萬火者。莫熯乎火。古人所謂元氣之賊也。以是知火者。疹之根。疹者火之苗也。如欲其苗之外透。非滋潤其根。何能暢茂。一經

表散燔灼火燄如火得風其燄不愈熾乎。燄愈熾苗愈遏矣。疹之因表而死者此也。抑有表而不死者。乃麻疹風疹之類。非疫疹也。疫疹脈未有不數者。有浮大而數者。有沈細而數者。有不浮不沈而數者。有按之若隱若現者。診其脈卽知其病之吉凶。浮大而數者其毒發越。一經涼散病自霍然。沈細而數者其毒已深。大劑清解猶可撲滅。至於若隱若現或全伏者此陽毒伏匿之象。面色青慘昏憤如迷。四肢逆冷頭汗如雨。其痛如劈。腹內攪腸欲吐不吐欲泄不泄。男則仰臥女則覆臥。搖頭鼓頷。百般不是。謂之悶證。斃不終朝。是證得於

初起者。間或有之。得於七八日者多。何也。緣醫者初認爲寒。重用發表。先傷其陽。表而不散。繼之以下。又傷其陰。殊不知傷寒五六日不解。法在當下。尤必審其脈之有力者。宜之。疫熱乃無形之毒。病形雖是大熱。而脈象細數無力。所謂壯火食氣也。若以無形之火熱。而當硝黃之猛烈。熱毒焉有不乘虛而深入耶。怯弱之人。不爲陽脫。卽爲陰脫。氣血稍能駕馭者。或四肢逆冷。或神昏譫語。或鬱冒直視。或遺溺旁流。甚至舌卷囊縮。循衣摸牀。種種惡候。頗類傷寒。醫者不悟。引邪入內。陽極似陰。而曰變成陰證。妄投參桂。死如服毒。偏身青紫。

口鼻流血。疫疹不宜表。不宜下者。此也。總之疹先辨脈。次辨色。疹色淡紅而活。榮而能潤。是爲佳境。深紅者較重於淡紅。血熱也。色豔如臙脂。較深紅而更惡。血熱極也。色紫赤如雞冠花。而更豔較豔紅。而火轉盛。不急服清涼解毒。必致變黑。又次辨形。鬆浮灑於皮面。或紅或赤。或紫或黑。此毒之外見者。雖有惡證。不足慮也。若緊束有根。如從皮裏鑽出。其色青紫。宛如浮萍之背。多見於胸背。此胃熱將爛之徵。宜大清胃熱。兼以涼血。又況疫毒發疹。毒之散者也。疫毒發瘡。毒之聚者也。初起惡寒發熱。紅腫硬痛。此毒之發揚者。若但寒不熱。

平扁不起此毒之內伏者同是瘡也其疫毒於何辨之尋常瘡脈洪大而數疫毒之脈沈細而數尋常瘡證頭或不痛疫毒則頭痛如劈沈不能舉是其驗也此又因痧疹而類及者耳。

案余論疫毒發瘡並發痧疹痧疹有脈有形有色足以區辨所最患者悶證耳余以大劑清瘟敗毒飲治之較不若王孟隱之治法刺曲池委中以泄營分之毒再飲以紫雪丹清透伏邪使其外越程鏡宇以疫毒不宜鍼刺猶淺見也同一陽明證余師愚主石膏王聘之主大黃余主石膏。

卽詆大黃。王主大黃亦誹石膏。一彼一此。何所適從。然證在陽明經者宜石膏。證在陽明腑者宜大黃。近來世補齋陸九芝有是說。斯爲至理。不媿名言。

楊厲子

邵新甫論痧

邵新甫言痧者有觸目之色。而無礙手之質。卽稠如錦紋。稀如蚊跡之象也。或布於胸腹。或見於四肢。總以鮮紅起發者爲輕。色紫成片者爲重。色黑者爲凶。色黑而潤者可治。色青者爲不治。有諸內而形諸外。可決其臟腑之安危。邪正之勝負也。卽痧痧亦莫不然。是蓋傷寒瘟疫諸證。失於宣解。熱邪蘊於胃腑。走入營中。故有是患。考方書治法不一。大抵由失表而致者。當求之汗。失下而致者。必取乎攻。火甚則清之。毒甚則化之。營氣不足者。助其虛而和之。托之。陰斑一說屬寒。

見證甚微。必參之脈象及兼證。方能辨之。須知出要周勻。沒宜徐緩。不外乎太陰陽明之患。故繆氏專以肺胃論治。爲精。葉氏立法。本乎四氣。隨其時令之勝復。酌以辛涼辛勝。及甘寒苦寒鹹寒淡滲等法而治之。凡吾幼科諸友。於此尤當究心焉。

案癰痧癰有寒有熱。然熱多而寒少。葉氏證治皆屬熱證。卽近來痧癰之寒者。亦屬罕見。邵氏熟讀葉法。亦深得葉氏之秘。而能闡葉氏之功。楊厲子

陳元益論痧

吳下有醫者陳元益。名昌齡。號半帆。論痧疹。今昔不同。治法亦異。古人治痧。惟以升麻葛根湯爲祖劑。芫荽酒外治而已。輕淺證。卽自用櫻桃核。麝草紙。棉紗綫。煎湯飲而愈。卽其發也。不過周時卽透。透亦二三日自愈矣。其有風寒外束。內毒難出而喘急者。麻杏石甘湯主之。無壞證。今則不然。有二三日發而方透者。有四五日而終未透者。或周身透而頭面不透。則咳聲不揚。喘逆氣麤。悶伏危殆。或一現卽回。旋增喘促。狂躁悶亂。謂之隱早。又或痧雖外達。而焮紅紫滯。或目封。或

皆赤譫語神昏。便秘腹痛。或便泄無度。種種熱盛毒深之象。以昔之痧疹方。治之無濟。因仿治痘之法。先以紫雪丹透發於前。繼以犀羚芩連丹地石膏人中黃大劑清涼解毒。乃轉重爲輕。易危爲安。或有病深藥淺。而至於危殆者。幾同痘有順險逆之別。嗟嗟。同一痧也。何今昔不侔若此耶。揆其所以然。大率邇年來。種痘盛行。胎毒未得盡泄。借痧以泄其毒者。抑或近來疫癘之氣。甚於昔日。以致證之危險者有之。要在臨證者。因時制宜。因證立方。圓機活潑。勿以痘重痧輕忽之。庶不愧爲司命者。

案陳論昔痧輕。今痧重。以邇來種痘胎毒未泄。藉痘以泄之。是穿鑿之談也。昔之痧由寒發。今之痧由熱生。寒痧輕。熱痧重。熱盛毒深。所論甚是。庸醫不識。仍以升麻葛根芫荽西河柳治之。入口卽殂。陳論因時制宜。因證立方。殆有功保赤者耶。楊厲子

屠彝尊論痧

武林有屠彝尊者名璇號疎村論白痞如靛如栗色白形尖者是也夫邪熱由經入府營傷血熱熱氣乘虛出於膚腠故稀如蚊跡稠如錦紋者爲癍紫黑則胃爛爲不治風熱入肺不知清透乘虛出於皮膚如沙如粟而色紅瑣碎者爲麻或歲當火運復感時厲之毒咽痛而成爛喉痧者爲最劇癍也麻也痧也其色暗赤白痞則溫熱暑邪兼溼爲多初病治法設不用清透滲解則肺爲熱傷氣從中餒不能振邪外解熱漸陷於營分轉投清營滋化熱勢稍緩而肺氣亦得藉以自

復所留之溼仍從上焦氣分尋隙而出於是發爲白瘡以肺主氣故多發於頤項肩背胸臆之間白爲肺之氣光潤爲肺之餘氣至此而邪始盡泄也色潤晶瑩有神者爲吉枯白乏澤空殼稀散者爲凶要不外乎手經受病仍從手經發泄不比足經之邪可從下解益知暑熱溫證中多夾溼邪無疑矣案白瘡屬溼熱其顆粒如痧疹其色則白葉氏亦云小粒如水晶色者與痧疹之皆赤者不同王孟英亦以白疹卽白瘡也夾溼化熱汗渴脈數似非荆防之可再表宜滑石葦根通草合涼解之法屠氏用清透滋化確有見地否則

以色白屬寒概以白疹從溫治之其患有不可勝言者矣。
惕厲子

繆仲淳論痧

繆仲淳廣筆記論痧瘧曰。痧瘧者。手太陰肺足陽明胃熱邪發而爲病也。小兒居多。大人亦時有之。殆時氣瘟疫之類歟。其證多咳嗽。多噎。眼中如淚。多泄瀉。多痰。多熱。多渴。多煩悶。甚則躁亂。咽痛。脣焦。神昏。是其候也。治法當以辛涼發散爲主。藥用辛寒甘寒苦寒以升發之。惟忌酸收。最宜辛散。誤施溫補。禍不旋踵。辛散如荊芥穗。乾葛。西河柳。石膏。麻黃。鼠黏子。清涼如元參。括蕓根。薄荷。竹葉。青黛。甘寒如生甘草。麥門冬。蔗漿。苦寒如黃芩。黃連。黃檗。貝母。連翹。皆應用之藥也。痧

痧不宜依證施治。惟當治本。本者肺胃邪熱也。解邪熱則諸證自退。痧痧咳嗽。宜清熱透毒。痧痧後咳嗽。用貝母括蕒根。甘草麥門冬苦梗。元參薄荷。以清餘熱。消痰壅。則自愈。慎勿用五味子等收斂之劑。痧痧多喘。喘者熱邪壅於肺也。慎勿用定喘藥。惟應大劑竹葉石膏湯。加西河柳兩許。元參薄荷。各二錢。如冬天寒甚。痧毒因寒鬱於內。不得透出者。加蜜酒炒麻黃一劑。立見。凡熱勢甚者。即用白虎湯加西河柳。切忌過用升麻。服之必喘。痧痧多泄瀉。慎勿止瀉。惟用黃連升麻。乾葛甘草。則瀉自止。痧痧不思瀉。瀉則陽明邪熱得解。是表

裏分消之義也。痧後泄瀉。便膿血。熱邪內陷也。忌止澀。惟宜升散。仍用升麻。乾葛。白芍。甘草。白藕。豆。黃連。滑石。自愈。痧痧後牙疳。用連翹。荆芥。元參。乾葛。升麻。黃連。甘草。生地。黃水煎。犀角汁二三十匙調服。外用雄黃。牛糞尖。煨存性。研極細。加眞片腦一分。研勻吹之。是證最危。緩則不可救藥。痧痧發不出者。西河柳葉。風乾爲細末。水調四錢。神秘方也。砂糖調服。兼治痧痧後痢疾。

案繆論辛涼發散。以治肺胃熱邪。自是有識之語。奈何藥用升散。乾葛。西河柳。麻黃。種種辛溫。與辛涼一說自相矛盾。

盾麻黃葛根不可用。葉香巖言之。西河柳不可用。吳鞠通言之。亦既曰時氣瘟疫。辛溫諸品皆在所禁。升散一法尤非所宜。惕厲子

吳鞠通論痧

嘉慶年間淮陰吳鞠通著有溫病條辨其論疹也則曰太陰溫病不可發汗發汗而汗不出者必發斑疹發疹者禁廣皮升麻柴胡當歸防風羌活白芷葛根三春柳等品以銀翹散去豆豉加細生地丹皮大青葉倍元參主之連翹一兩銀花一兩苦桔梗六錢薄荷六錢竹葉四錢生甘草五錢芥穗四錢牛蒡子六錢細生地四錢大青葉三錢丹皮三錢元參一兩杵爲散每服六錢鮮葦根湯煎香氣大出卽取服勿過煮肺藥取輕清過煮則味厚而入中焦矣病重者約二時一服

日三服。夜一服。輕者三時一服。日二服。夜一服。病不解者。作再服。肺位最高。藥過重。則過病所。少用。又有病重。藥輕之患。故從普濟消毒飲。時時輕揚法。胸膈悶者。加藿香三錢。鬱金三錢。渴甚者。加花粉。項腫咽痛者。加馬勃。元參。衄者。去芥穗。豆豉。加白茅根三錢。側柏炭三錢。梔子炭三錢。咳者。加杏仁。利肺氣。溫病發疹。十之七八。發斑。則十之二三。疹係紅點。高起。麻瘡。痧皆一類。係血絡中病。故主以芳香透絡。辛涼解肌。甘寒清血也。奈時醫發溫熱之表。二三日汗不出者。則云斑疹蔽伏。不徒用升柴羌葛。且重以山川柳發之。山川柳一歲

三花故名三春。又名西河柳。古稱檉木。詩云其檉其楮是也。其性大辛大溫。生發最速。橫枝極細。善入絡。專發虛寒白疹。溫熱赤疹。視如讎仇。善治溫病者。原可不必出疹。卽有耶鬱。二三日或三五日。旣不得汗。有不得不疹之勢。亦可重者化輕。輕者化無。若一派辛溫剛燥。氣受其災。而移熱於血。是爲自造之斑疹。若明六氣爲病。疹不難治。但疹之限期最迫。只有三日。一以辛涼爲主。俗見疹必表。非法也。大約先用辛涼清解。後用甘涼收功。誤用麻黃三春柳等。辛溫傷肺。以致喘咳欲厥。可不戒哉。

案吳治斑疹法。芳香透絡。辛涼解肌。甘寒清血。洵得葉氏不傳之秘。其論證確切。其立法輕靈。其發明藥性也。則能體物之情。達病之機。司命者熟讀而深思之。於治溫病則庶幾矣。柰市醫懸壺後。日坐醫廬。不求往訓。無論寒溫證。初病時則概曰發汗。風溫不可汗。溼溫不可汗。皆茫然也。噫。因誤汗而害人者。數不勝數。可慨也夫。

楊屬子

張善吾論疫喉

湖南有張善吾者。名紹修。著有時疫白喉捷要。其論證則曰。白喉至險至危。考諸方書。久臨證候。以爲治之。有十難。昔陳雨春論是證。足三陰受病。傳之肺。與他經無涉。卽有兼及他經者。皆後之傳變者也。病者兩關左尺脈多沈數而躁。醫不察其源。治以他經之藥。一難也。初病惡寒發熱。頭痛背脹。遍身骨節疼。喉腫且痛。似傷寒傷風表證。若投以麻桂辛蘇羌防升柴之類。致毒渙散。無可挽回。二難也。疫毒內發。則寒熱互作。二三日喉白。則寒熱或止。妄投表藥。不知自誤。三難也。

是病熱證多。寒證少有。以色白爲寒者。不知病發於肺。肺屬金。其色白。爲臟腑之華。蓋處至高之位。毒自下熏蒸而上。肺病深。故本色卽著。治宜解三經之毒。使之下行。勿令蓄積於肺。若以色白爲寒證。辛熱妄投。是謂抱薪救火。四難也。抑或知其爲火證。忌升提開散。輒以硝黃下之。不思疫火已傳至上焦。氣分與中下焦無涉。攻下太過。元氣愈傷。五難也。火毒甚。用消風敗毒。引熱下行之劑。二三劑而白色不退。卽十數劑而仍如故。若別更方法。必致生變。六難也。白喉乃瘟疫變證。殺人最速。投以平淡之劑。優容養奸。七難也。有非白喉而

轉爲白喉者。初起寒熱紅腫。一邊腫名曰單蛾。兩邊腫名曰雙蛾。氣閉宜牛膝引熱下行。大便閉用大黃。與白喉證異治。同。倘不預防。轉爲白喉。爲禍甚烈。八難也。此外癆證白喉。陰虛火燄。痛極米水不下。漸致潰爛。必需補劑。若以時疫治之。因誤致斃。九難也。又有無惡寒發熱之證。而喉起白皮。隨去隨長。確是寒證。非桂附不愈。若以時疫誤治。爲害不淺。十難也。

案張論時疫白喉。與由疫而痧而喉者稍別。忌辛熱升散。自是同一治法。而疫火亦有應下之處。概以爲攻下太過。

元氣愈傷持論未平。引陳雨春論爲足三陰受病傳之肺。與他經無涉。卽兼他經亦屬傳變。不思疫喉由疫毒上攻肺胃受病。實屬偏執之談。謂疫毒至二三日始見喉白。寒熱或止。恐亦無此證情。惟是以病發於肺。肺屬金色白。處至高之位。毒自下熏蒸而上。肺病深故本色卽著。切勿以色白爲寒。詞義精通足以救庸醫之誤。其治法以散風消腫敗毒主之。而葛根屢用。木通重用。究有可議之處。子惕厲

吳鞠通論疫喉

吳鞠通論溫毒喉痛則曰。溫毒者穢濁也。凡地氣穢濁。未有不因少陽之氣而升者。春夏發泄。或秋冬亦間有不藏之時。溫毒上攻。咽喉爲害。此發於天時者也。人或少陰素虛。不能上濟少陽。少陽升騰莫制。與小兒純陽火多。陰未充長。亦多有是證。此發於人事者也。咽痛者。經謂一陰一陽結。謂之喉痺。蓋少陰少陽之脈。皆循喉嚨。少陰主君火。少陽主相火。相濟爲災也。治法不出東垣普濟消毒飲之外。妙在以涼膈散主之。加化氣之馬勃。殭蠶。銀花。得輕可去實之妙。加元參。牛

芳。板藍根。敗毒。利肺氣。補腎水。上濟邪火。去柴胡。升麻者。以升騰飛越太過之病。不當再升也。去黃芩。黃連者。芩連裏藥也。病初起未至中焦。不得先用裏藥。故犯中焦也。普濟消毒飲。去升麻。柴胡。黃芩。黃連。方連翹一兩。薄荷三錢。馬勃四錢。牛蒡六錢。芥穗三錢。僵蠶五錢。元參一兩。銀花一兩。板藍根五錢。苦桔梗一兩。生甘草五錢。共爲麤末。每服六錢。重者八錢。鮮葦根煎湯去渣服。約二時一服。重者一時許一服。

案溫毒卽疫癘之氣。治法以芳香化濁。清輕去實。滋陰泄火。洵溫毒初作之妙劑也。好事者以吳溫瘟未分妄生議。

論質之慧眼人自有定評。楊鳳子

李純修論痧喉

李純修名基德。號雲浦。乾嘉時人。論爛喉痧。古無是證。近時則有之。太陰陽明風溼熱毒。上攻咽喉。則腐爛。但風熱者。治宜清透。溼熱者。治宜清滲。痰火凝結者。治宜消降。邪達則痧透。痧透則爛止。惜味者。驟用寒涼。勢必內陷。故證有可治有不可治者。口中作臭者。謂之回陽。其色或淡黃。或深黃。此可治也。抑或爛至小舌。色白如粉皮。鼻塞。合眼朦朧。由元氣久虛。毒氣深伏。此不可治也。總因天地不正之氣。感而受之。故體有虛實之不同。卽證有重輕之各異。其餘喉證。痧證。古人

言之詳矣。概不復贅。

案風溼清透。溼熱清滲。痰火消降。消降不如清降也。治法宜以清爲主。佐以解毒。熱毒解而痧透。痧透而喉腐自痊矣。至論不可治之證。而治能合法。亦奪造化。司命者慎毋河漢斯言也。

惕厲予

祖鴻範論痧喉

吳門有精於醫者祖鴻範。名世琛。號小帆。論爛喉丹痧。風寒溫熱。釀爲疫氣。初起惡寒壯熱。咽痛煩渴。先須解表。俾邪外達。佐以清散。總以散字爲重。所謂火鬱發之也。苟漫用寒涼。則外益閉而內火益燄。咽痛愈劇。潰腐日甚。不察未散之誤。猶謂寒之未盡。於是愈涼愈遏。以致內陷而斃。此不當寒而寒之禍也。在初病表邪有寒。一汗而透。則外閉之風寒已解。內蘊之熱火方張。治宜寒涼泄熱。熱一盡而病自愈矣。倘仍執辛散。火風愈熾。腫腐愈甚。此不宜散而散之害也。彼言散

之宜。此言散之禍。彼言寒之禍。此言寒之宜。要惟於先後次第之間。隨機權變。斯各中其窾耳。

案祖論表邪風寒則宜散表。溫熱則兼清散。總以散字爲重。迨風寒已去。內熱方張。正宜苦寒泄火。所謂治法有次第。宜散則散。宜寒則寒。洵痧喉之良法。亦痧喉之通論也。

楊厲子

唐迎川論痧喉

吳門西城橋有唐迎川焉。名學吉。號載張。論近來丹痧一證。患者多。患而死者亦多。市醫因方書未著。無從措手。或云辛散。或云涼解。或云苦寒泄熱。各守專門。未嘗探其本原。按仲師金匱書。陽毒之爲病。面赤斑斑如錦紋。咽喉痛。吐膿血。五日可治。七日不可治。升麻鼈甲湯主之。細繹文義。實與此證相類。何會心者之絕少耶。惟是升麻鼈甲湯。升麻升透癘毒。鼈甲泄熱守神。當歸和血調營。甘草瀉火解毒。正內經熱淫於內。治以鹹寒。佐以苦甘之旨。而內有蜀椒雄黃。似應加於

陰毒方中。或因傳寫之譌耳。一轉移間。於陽毒陰毒之義。尤爲貼切。今之丹痧。當於經義求之。毋謂古人之未及也。

案唐論金匱陽毒。卽指爲近時喉痧。以升麻鼈甲主之。升麻。升提之品也。陽毒熱毒也。熱毒宜苦降。升提非法也。湯內有蜀椒雄黃。蜀椒辛熱。雄黃辛溫。施之熱毒。以火濟火。豈可哉。迎川擅改經文。移置陰毒。謂爲貼切。唐氏意在遵經。殊不知穿鑿附會之弊。貽誤生靈。孟子曰。盡信書。則不如無書。誠哉是言。惕厲子

王步三論痧喉

王步三論爛喉丹痧方書未載。雖金匱有陽毒之文。叔和著溫毒之說。其證形雖與痧喉極合。升麻鼈甲湯黃連解毒湯主治。是論邪入陰陽二經。以之治痧喉。是教人穿鑿執方也。痧喉之發。疫氣遍行。一門傳染。不數日間相繼云亡。嗚呼。其慘酷抑何極耶。或者以世俗種痘者多。邪毒未洩所致歟。抑亦氣運自然之會歟。吳醫彙講李祖二君論證論治甚詳。所謂驟寒則火鬱而內潰。過散則火燄而腐。增至理名言確。乎不拔。然亦不外繆氏筆記肺胃爲本。先散後清之旨云爾。邪

氣在衛。麻杏甘膏。勢所必投。毒火侵營。犀角地黃亦所當取。卽如眉壽葉氏。宗喻老芳香宣竅解毒之議。治用紫雪丹。其法亦不可缺。顧臨證權宜。要在人心化裁之妙。然歟否歟。自有能辨之者。

案王論金匱陽毒治法。強合痧喉。指爲穿鑿。與余前案相同。其論邪氣在衛。宜麻杏石甘。麻黃辛溫輕升之品。非痧證所宜。痧喉慘酷。指爲痘毒未洩。是證不盡出自小兒。實屬一偏之見。臨證權宜化裁一語。平日無研究之功。孰宜散孰宜清。毫無主見。其臨證有何權宜。有何化裁哉。惕屬子

高錦庭論痧喉

高錦庭名秉鈞。錫山人。著有瘍醫心得論。爛喉丹痧。天行疫癘。長幼傳染。外從口鼻而入。內從肺胃而發。其始起也。脈緊弦數。惡寒頭脹。膚紅肌熱。咽喉腫腐。痧疹隱隱。宜疏表如牛蒡解肌湯。升麻葛根湯。內加消食等藥。喉內用珠黃散吹之。至三四日。溫邪化火。熱盛痧透者。解肌湯內加犀角。羚羊。石斛。花粉。如大便乾結燥實者。涼膈散亦可。如協熱便泄。舌苔白膩者。葛根芩連湯。至五六日。熱甚神識時迷。咽喉腐爛。鼻塞不通。時流濁涕。此以火盛上逆。循經入絡。內逼心胞。用犀

角地黄湯或玉女煎內加膽星石菖蒲珠黃又或紫雪丹至
七日後熱退遍體焦紫痧症如麩殼脫皮而愈抑或初起時
一二日後脈細弦勁身雖紅赤痧不外透神識昏蒙語言錯
亂氣逆喘急者此疫毒內閉卽爲險逆可用鮮生地四兩搗
汁和金汁梨汁蔗漿再用鮮蘆根煎湯磨犀角汁沖和送化
紫雪丹或珠黃散惟芳香開逐庶可冀其僥倖於萬一耳

案高論喉腐痧隱升麻葛根湯內加消食等藥痧喉疫毒
致之也升葛爲升提之品一經升提勢必將疫毒上攻盤
踞咽喉是速之斃也市醫無識遵以治之遺人天殃不知

自誤家傳者以之傳于世傳者以之傳徒遂至以誤沿誤耳聞目見受害者不可勝數是證在初病最關緊要一經誤治挽救爲難升葛固屬禁用卽羌防柴胡一切風燥諸品皆宜慎用不可妄犯至溫邪化火一語溫由火發何化之有三四日五六日七日一二日分證見證諸多牽強繆妄之談惟是疫毒內閉以甘寒養液芳香逐穢尙屬合法然非苦寒不足以泄火。楊屬子

陳繼宣論痧喉

嘉慶年間陳繼宣名耕道虞山人著有疫痧草先辨論次審證次立方以爲痧名麻疹浙人呼爲瘡其病輕古無專病至石頑醫通始有麻疹麻疹者手太陰足陽明蘊熱所致無疫火則痧輕爲時痧身熱咳嗽神清有汗喉不腐數日後痧點乃見脈大便溏痧形雲密者是也有疫火則痧重爲疫痧身熱痧隱無汗脈鬱喉爛神煩者是也疫痧有感發有傳染感發由口鼻外吸傳染由病氣內侵感受雖殊瘟疫則一也疫痧爛喉以喉爲主喉爛淺者疫邪輕喉爛深者疫邪重疫邪

輕者易治。重者難痊。觀其神宜清。不宜昏。按其脈宜浮數。有神。不宜沈細無力。察其痧宜顆粒分明。而緩達透表。不宜赤如紅紙。而急現隱約也。蓋痧喉無疫者。輕。有疫者。危。無疫而發痧。無疫而爛喉。則溫熱之邪。僅在經絡疏而達之。則易解。若受疫毒者。身熱甫作。便見爛喉。則溫熱之毒。深藏臟腑。故病重。病重者。用疏達而痧反隱。神反昏。喉爛反盛者。何也。溫熱之邪。自肌表感冒溫熱之毒。自口鼻吸入。肌表感冒者。邪在經絡。疏以達之。得汗即鬆。口鼻吸入者。毒在臟腑。疏以達之。所以反險也。夫發痧有正虛。有陰虛。有正陰虛。正虛者。灼

熱無汗。喉爛神昏。痧隱成片。脈細如絲。軟如棉。正氣欲脫。疫邪直干臟腑矣。陰虛者。灼熱無汗。喉爛神昏。痧隱成片。舌絳且光。陰液燥涸。疫火灼傷臟腑矣。二者斃甚速。正陰者。人之所賴以生也。正陰實而疫毒盛。毒火炎炎。迅如雷電。陰液爲之涸。正氣爲之敗。猶屬不治。而況正陰素虧乎。往昔疫邪未聞發痧。往昔發痧。未聞爛喉。疫痧者。疫毒直干肺臟。喉爛氣穢。瞬息之間。命遂天殂。良可哀也。然氣稟厚。正氣旺。精神強固。氣血充和。呼吸之間。疫毒無自而入。卽或氣稟薄。正氣弱。而能寡嗜慾。節飲食。調寒暖。以慎起居。使臟氣和諧。精神清

暢疫毒雖厲。究亦邪不勝正。卽或寡嗜慾。節飲食。調寒暖。而終不免爲疫痧傳染者。天也。疫癘氣也。天應寒而反熱。天應熱而反寒。或大寒之後。繼以大熱。大熱之後。繼以霾霧。大熱之後。繼以大寒。大寒之後。繼以淫雨。或河水泛而氣穢。或疾風觸而氣毒。或天久雨而溼鬱。或天盛暑而熱蒸。此疫氣所由結也。入疫家視病。宜飽不宜飢。宜暫不宜久。宜日中不宜早晚。宜遠坐不宜近對。卽診脈看喉。亦不宜與病者正對。宜存氣少言。夜勿宿病家。鼻中宜塞辟疫之品。究之在我有正氣。在外之厲氣。何自而干之。疫痧邪在肺胃。甚者直陷心包。

如嘔惡呃逆舌絳口渴牙關拘急等證是邪據陽明鼻扇鼻
煤喉爛氣穢失音鼾衄等證是邪犯太陰神煩神昏鼾睡譫
語等證是邪干心包治疫痧者在疫火未肆之前而先化其
火則其火漸退其病漸鬆在疫火既肆之後而後化其火雖
化無益此疫火所宜察也。

案陳氏辨論十五條不外言疫疫癘之氣熱毒之氣也中
於物則物即斃中於人則人即亡初病始憎寒繼壯熱痧
隱喉腐一時並見是爲疫毒所發此爛喉痧之所由名也
所論有疫痧有時痧有感發有傳染有正虛有陰虛有疫

邪感冒有疫邪吸受種種條分縷晰發前人之未發。楊厲子

其審證也。疫痧壯熱。熱邪外達。或不熱。或熱不甚者。痧隱如
硃神昏。喉爛。脈細無神。毒火內閉也。痧以有汗者吉。無汗者
凶。以外達者吉。不達者凶。其形色。痧宜尖疎。宜紅潤。而紫滯
乾枯險證也。其部位。痧自頭面至足順。自足至頭面不順。先
胸背而後四肢順。先四肢而後胸背不順。陽部多順。陰部多
不順。陽部。頭項背也。陰部。胸脇腰也。總以透發爲吉。隱約爲
凶。脈弦數。疫火盛也。脈鬱伏。邪未達也。脈數大。空虛。正氣弱
而疫邪惡也。脈沈細如絲。軟如棉。是陽證陰脈也。舌白且膩。

疫邪未化火也。舌赤多刺。疫邪已化火也。舌絳中黑。津液將涸也。舌黑且縮。液乾臟枯也。喉爛零星。是疫輕也。喉爛滿布。是疫重也。喉爛神煩。喉爛氣穢。爲險證。喉爛吹藥而有痰涎垂滴者。順。無痰涎者。險。神昏譫語。鼾睡有聲。熱毒內伏。心包也。鼻扇鼻煤。毒火上灼肺也。牙關拘急。陽明毒火盛也。失音爲肺熱熱傷肺而音不出也。呃逆。毒火盛也。便閉。火內結也。便溏。火下洩也。抑或火盛正虛。則爲險候也。肌癢。痧未達者。達已達者。退營衛和也。肌燥。火盛也。脣絳齒乾。火灼液虧也。咳嗽。痧易達也。不咳嗽者。危。喉爛雖咳亦危也。痧前咳。邪易

達痧後咳。邪留而久則癆也。目赤。火上升也。噴嚏。肺氣發越。
疫喉生機也。氣促。邪火結於肺胃。呼吸不利。肺胃之氣欲絕。
也。面色紅亮者。火盛也。青滯者。邪伏也。呆白者。險惡也。惡寒。
疫邪遏伏。營衛不和也。鼻衄。俗名紅汗。邪火盛也。衄而痧達。
者吉。不達者逆。嘔惡。陽明積熱也。吐衄。疫火內鬱也。小便赤。
瀉。疫毒結於火腑也。口渴。溫邪入裏也。腹痛。疫火內鬱。或兼。
食積也。毒泡。痧點雲密。又發白泡。泡密有漿。火毒極盛也。牙。
疳。痧後毒火盛也。遺毒發於項間。顛畔。以及喉外四肢。不可。
輕視也。虛勞。痧後餘熱未清。咳逆。食減。虛熱。便澀。氣倦。神乏。

脈數虛細。宜理肺清熱。健脾和胃。庶能起死回生也。娠妊發痧。輕者以保胎爲要。重者以治邪爲先。解其疫。清其火也。總之神昏。鼾睡。痧悶氣促。爲疫邪內陷。喉爛氣穢。鼻扇呃逆。爲疫火內熾。痧點隱約。喉爛神昏。脈細如絲。軟如棉。爲正不勝邪。邪勢橫逆。正氣欲脫。三者俱百難活。一然醫者當視其神。按其脈。觀其喉。危而使之安。死而使之生。神而明之。存乎其人。

案陳氏審證四十六條。頭緒紛繁。徒形瑣屑。然各證雖未發明實義。而痧喉所見。亦係確有之候。陳老閱證甚深。是

精於醫者而文辭之煩蕪重複。非通人手筆。余將是書中
辨論十五條爲一段。審證四十六條爲一段。立法五立方
十三。又爲一段。雖係刪繁就簡。而原文之真義具在。讀者
自能知之。楊厲子

其立法也。疎達之劑。邪在表者。疎而達之。雖發痧而無疫。其
痧稀。其熱輕。其神清。而咽喉不腐。則爲時痧。葛根湯。葛根。牛
蒡。荆芥。蟬衣。連翹。鬱金。甘草。桔梗。加減葛根湯。葛根。牛蒡。香
豉。桔梗。枳殼。薄荷。馬勃。蟬衣。荆芥。防風。連翹。焦梔。赤芍。甘草。
香豉。湯。香豉。牛蒡。荆芥。桔梗。連翹。焦梔。馬勃。大貝。甘中黃。清

散之劑。表邪未解者。疎散之。疫火內熾者。清化之。表邪未也。火熾本也。痧由疫而發者。灼然無汗。痧隱成片。喉爛神煩。一時並見。若因無汗。痧隱而一味疎達。愈疎則汗愈無。愈達則痧愈隱。愈疎達則神愈昏。喉愈腐。不顧在本之火。徒治在表之邪。所謂捨本求末者是也。是以立清散之法。則表本兼顧。葛犀湯。葛根。犀角。牛蒡。桔梗。連翹。焦梔。蟬衣。荊芥。馬勃。查炭。甘中黃。犀鼓。飲犀角。香豉。牛蒡。荊芥。連翹。焦梔。馬勃。大貝。蟬衣。赤芍。桔梗。甘草。清化之劑。疫痧表邪未解。內火已熾。見機者在疫火未肆之前。而先化其火。故散必兼清。恐疫火肆而

治無益也。若表邪已解，火熾已盛，痧透脈弦，喉爛舌絳，口渴神煩，此時不重用清化諸品，如杯水車薪，無濟耳。犀角、地黃、湯犀角、地黃、丹皮、赤芍、犀角、羚羊、二鮮、湯犀角、羚羊、鮮沙參、鮮生地、連翹、黑山梔、甘中黃、人中白、馬勃、大貝母、銀花、陳金汁、元參、石膏、黃連、奪命飲、川連、石膏、犀尖、羚羊、生地、丹皮、赤芍、鮮沙參、青黛、馬勃、大貝、甘中黃、連翹、元參、金汁、清肺飲、桑葉、鮮沙參、羚羊、連翹、桔梗、甘草、橘皮、貝母、下奪之劑，表邪未解，內火已熾，可以助疎達之品，而爲斬關之將者，則有雙解散。表邪已解，火熾仍盛，可以佐清化之品，而有奪門之能者，則

有四虎飲。雙解飲。大黃。元明粉。葛根。牛蒡。荊芥。連翹。薄荷。蟬衣。枳殼。甘中黃。四虎飲。大黃。黃連。犀角。石膏。知母。元參。生地。青黛。馬勃。救液之劑。疫痧不外毒火。火盛者液必虧。液虧者病必危。而救液則養其陰於未涸之候。佐疎達之品。不嫌其寒凝。佐清化之劑。無憂乎液涸矣。五鮮飲。鮮沙參。鮮生地。鮮茅根。鮮蘆根。甘蔗汁。育陰煎。元武版。鼈甲。生地。丹皮。鮮沙參。麥冬。知母。花粉。貝母。元參。犀角。金汁。

案陳氏疎達法。施之無疫時。痧喉不腐者。可清散法。註明由疫而痧。而喉。則有葛犀湯。葛根主輕升。桔梗亦載藥上。

行之品提毒上升似非所宜。甘中黃人中白雖係解穢而製之設不得法。必有不潔之味。徐洄溪言之矣。清化法地芎鼈甲等品。但疫火煎熬勢必痰涎固結。則酸收黏膩凝滯爲患。况痧喉未有無痰者。五法十三方尙少蠲痰之法。亦無破血散結之方。是亦疎漏之處也。

楊厲子

顧玉峯論痧喉

顧氏玉峯著有痧喉經驗闡解。謂近來蘇杭痧喉一證。日甚一日。且多殞命。總緣重於咽喉而忽於痧癰。早進寒涼。遏伏癘邪。夫癘疫之氣。從口鼻而入於肺脾。發必由肺脾而出於肌表。初起熱淫之氣。浮越於肺之經隧。必現咽喉腫痛。鼻塞噴嚏。咳嗽。胸悶。惡心。渾身痠痛等證。此乃痧癰爲本。咽喉爲標。時醫遽投犀羚石膏川連金汁等味。稍兼清涼表散。以爲雙解之法。元氣充足者。或以敵邪致愈。稟質單弱者。卽變音啞。喉腐氣喘。腹瀉齒鼻流血。舌縮唇焦。膚乾無汗。發厥口噤。

種種險證。猶云病重藥輕。寒涼倍進。必致痧毒內陷。喉閉痰升。而斃。要知紅腫焮赤。正痧毒外達之勢。此時亟進表散開達之劑。寒涼清膩等藥。一味不可夾雜。使其邪從汗透。毒洩而咽喉自愈。直待痧回腫退。鼻有清涕。遍身作痒脫皮。方進涼血清解之味。依此治法。無不應手而效。

案顧論疫痧宜表散。邪從汗透。毒洩而咽喉自愈。禁寒涼遏伏。然甫病遽投苦寒。遏伏亦所難免。而邪由汗解。疫癘無此治法。謂疫入肺脾。由肺脾而出者。尤誤。脾喜燥。豈如此疫毒橫肆。而用燥劑耶。是證初作。宜辛涼解肌。痧毒上

攻宜辛寒苦降總以辛開爲主佐以豁痰破血開結循先後次第施之

楊厲子

朱鐵山論痧喉

朱鐵山論痧喉。發熱之初。時令有寒暄。酌而治之。倘嚴寒是
夾。雖桂枝葛根麻黃亦均可用。勿以辛溫而遲疑。其方有荆
防葛根湯。荆芥、防風、葛根、杏仁、生甘草、桔梗、牛蒡、蟬衣、枳殼、
象貝、加減藿香、正氣散、藿香、土藿根、桔梗、陳皮、茅朮、厚朴、甘
草、牛蒡、赤苓、焦麴、半夏、麴、葛根、蟬衣、升麻、葛根湯、升麻、葛根、
赤芍、甘草、蘆荑酒。用蘆荑兩許。酒水各一碗煎滾。以苳蔴根
蘸酒撲而擦之。

案痧有寒熱。但古之痧屬寒者多。今之痧屬熱者多。寒痧

爲近時所罕見。寒痧毒攻咽喉。尤屬罕見。然疫氣有夾寒夾溼者。痧屬寒溼。亦或有之。朱氏證治各方。采而集之。以備一法。醫家於臨證時。宜細心審察。孰寒孰熱。施治各當。乃不媿爲司命。萬一稍有錯誤。失之毫釐。差以千里。辛溫升提諸藥。施之熱證。禍不旋踵。慎之慎之。

惕厲子

王孟英論痧喉

武林王孟英名士雄號夢隱著有回春錄仁術志霍亂論溫熱經緯其治段婦痧喉也喉腫白腐齟舌皆糜骨瘦如柴肌熱如烙勒痰阻於咽喉不能咯吐須以紙帛攪而曳之米飲不沾汎事非期而至按其脈左細數右弦滑則曰此陰虧之體伏火之病失於清降擾及於營先以犀角地黃湯清營分而調妄行之血續與白虎湯加西洋參等肅氣道而瀉燎原之火外用錫類散象牙屑焙三分眞珠三分飛淨青黛六分梅花冰片三釐壁錢二十箇俗名喜兒窠木板板上者勿用西

牛黃五釐人指甲五釐男病用女女病用男研極細粉吹患處掃痰腐而消惡毒繼投甘潤藥蠲餘熱而充津液日以向安又治吳兒發熱咽痛有誤投升透藥者赤斑似錦喉爛如焚半月之間闔家傳染以青龍白虎湯橄欖白蘆根水煎服橄欖色青青足厥陰內寄之火風而靖其上騰之燄蘆根色白化手太陰外來之燥熱而肅其下行之令合而爲劑消經絡留滯之痰解膏粱魚麵之毒用以代茶則龍馴虎伏臟腑清和豈但喉病之可免耶勿以平淡而忽之潘兒種痘三日咽痛妄投升散藥發熱斑爛七朝而天家有染其病者咽喉

爛至於舌。胸膈痞塞。牙關緊澹。小溲淋痛。口流紫黑血塊。治以犀角地黃湯。加元參。銀花。童溺。藕汁。竹黃。花粉。貝母。石膏。蒲之類。吹以錫類散。用碗承其口。流出涎血甚多。咽喉牙關。胸膈皆漸舒。繼與生津填補而痊。秋燥冬煖。無霜雪。河井並涸。時疫流行。喉疹甚多。庸醫不悟其致病之因。妄投發散。正如火上添油。惟治以白虎湯。爲救焚主劑。若已及於營分者。用晉三犀角地黃湯。相機加減。陳女瘡疹甫出。汛期忽至。幼科僅知套藥。升麻柴葛亂施。以致脈滑而數。舌絳大渴。面赤失音。不食便瀉。治以西洋參。石膏。知母。麥冬。犀角。生地。連翹。

甘草。石斛。丹皮。桑葉。竹葉。大劑愈。緣是時溽暑之令。瘡疹盛行。其證或輕或重。一以清解而痊。陳太史書伯之弟。年未冠。咽痛失音。口大渴。脈滑且數。治以犀羚石膏元參豆根牛蒡射干等清。大劑音開而咽糜。吹以錫類散。糜愈而疹點滿布。左目及耳後皆腫。方中加以鮮菊葉二兩。疹愈痰嗽不已。仍主前法。遂告痊。其庶母同時患喉糜而頭偏左痛心悸欲嘔。壯熱煩躁。脈弦細數。則曰陰虧風動也。先以犀羚元參菊花丹參梔子桑葉馬勃投之。外吹錫類散。咽愈熱退。續用二至二冬生地石英茯苓龜板茯苓滋陰潛陽而瘳。又其妹亦

患喉疹。汎事適行。四肢痠痛。略難舉動。氣塞於咽。脈弦滑。治以犀羚。旋赭。茹貝。兜鈴。牛蒡。射干。豆根。花粉。銀花。海蛇。竹瀝。絲瓜絡等。出入爲方。兼吹錫類散而瘥。朱女患麻瘡。汎事適來。醫投小柴胡湯。遂狂妄莫制。脈至洪滑。弦數。目赤。苔黃。大渴不寐。則曰瘡因溫邪而發。大汗不已。何必再事攻表。汎行爲熱。迫於營。胡反以葶棗溫之。參柴升之。宜其燎原而不可遏也。與大劑犀角。元參。生地。石膏。知母。花粉。銀花。竹葉。貝母。白薇。以清衛涼營。服後卽眠。久而未醒。或疑爲昏沈也。屢爲呼喚。病者驚寤。卽令家人啟篋易服。穿鞵梳髮。告別父母云。

往花神廟歸位。人莫能阻。舉家痛哭。迂視之。脈象依然。囑其家靜守。勿哭。仍以前方加重。和竹瀝。童便。繼用養陰清熱。而愈。趙氏患喉痺。誤用大劑生軍下之。而藥不能入。以錫類散吹之。卽開。與白虎法而瘥。劉兒甫五齡。瘡點不綻。妄進檉柳等藥。壯熱無汗。面赤靜臥。二便閉。治以犀羚白虎湯。而轉機。時有庸醫。力阻石膏。不可再餌。仍進溫散。以致氣喘痰升。復加麻黃八分。欲圖定喘。而喘汗瀕危。二便復秘。再懇視之。投白虎加西洋參竹葉而愈。李氏患瘡未齊。痰嗽氣喘。苔白滑小。洩不赤。或主犀角地黃湯加紫雪。服而不效。延診之。右脈

洪滑而口渴。則曰天時酷熱。暑邪薄肺。挾其素有之痰。而阻其治節。所以氣機不行。而疹不能達。苔不能化。溺不能赤也。溫散大忌。涼血亦非。與竹葉石膏湯。合葦莖。加杏苑。旋杷海石。投之。氣平疹透。苔退舌紅。小搜亦赤。數日而愈。徐氏患瘡。體厚痰多。脈甚滑數。揚擲譫妄。舌絳面赤。渴飲便瀉。與大劑白虎。加犀角。元參。銀花。花粉。貝母。竹黃。竹葉。竹茹。竹瀝。送滾痰丸。服後大便下如膠漆。脈證漸和。數日後去丸藥。其勢復劇。甚至發厥。仍加丸藥。乃平。如是者三次。險浪始息。朱婦患赤疹。神氣漸昏。誤以犀角地黃湯投之。遺溺痙厥。延診之。則

曰形瘦陰虧。邪易擾營。幸非溼盛之軀。尙可設法。但心下拒按。呃逆便悶。是痰熱尙阻氣分。誤服升提。每成結胸。地黃滋滯。實爲禁藥。因以犀角。元參。茹貝。旋婁。杞苑。白前。菖蒲。爲方。調紫雪。兩服。呃逆止。神漸清。而咽疼口渴。去紫雪。前菖。加射干。山豆根。知母。花粉。吹以錫類散。二日喉愈。胸舒。疹回。熱退。去犀角。紫苑。射干。豆根。加銀花。梔子。竹葉。海蛇。鳧苴。漸安眠食。惟大便久不行。以菰蓉。麻仁。當歸。生地。等藥。遂愈。

案王氏善治溫病。善用甘寒大劑。疫喉痧。是其所長。葉香巖用涼劑。以輕清靈空出之。王則通經絡。運樞機。雖藥味

之多藥劑之重仍不外葉氏清靈之妙訣。張李劉朱四大家或主溫或主寒。豈治法各異歟。而實則天時運會所致。略迹原心。易地皆然。處葉氏時。溫病雖多。而痧喉尙屬罕見。由葉至王。相去又五六十年矣。天時日煖。一日熱證日甚。一日王之用大劑寒涼者。殆亦運會使然也。楊厲子

沙耀宗論痧喉

江之洲有大港焉。精於醫者爲沙君耀宗。刊有經驗方治其治爛喉痧證。痧色紫而豔。遵瘍醫大全。痧疹論方。歸尾紫草。桃仁。蒲黃。地丁等藥。酌用有效。抑或咽喉不甚腫痛。痧則身現微紅。似有似無。脈伏肢涼。面青唇紫。口閉流涎。目睛直視。指甲青滯。胸腹飽脹。氣促神昏。四肢抽搐等證。是悶證也。雖百無一生。亦不忍坐視其斃。速用臥龍丹吹鼻。有嚏爲吉。用龍腦薄荷錢許。煎湯磨太乙紫金錠二枚。頻灌之。候形色少轉。再酌進煎劑。否則不宜輕用吹嚏之藥。徐靈胎無價散。雄

豬糞臘月用火煨至煙盡水漂白洗淨研末加冰片二分絹包投入煎劑內立效。其咽喉痛腫者紫豔未潰或已潰而未深而項外漫腫堅硬痰氣壅閉湯水難容者急用喉鍼在喉之兩旁高腫處刺入分許二三下咯去紫黑毒血隨時吹藥不致大潰或用衣鍼刺兩手大指內側爪甲根分許卽少商穴也刺入分許擠盡紫血洩肺經熱毒然喉爛可進湯水或色淡不豔潰爛過深者皆不必刺脈細神昏毒已內陷者亦不必刺是證係陽明疫邪壅閉以致腠理不開嘔吐肢冷切勿以寒證投辛溫蒼朮厚朴半夏肉桂附子生薑之類又初

見痧形似有似無驟然驚搐者亦不宜用苦寒鎮驚之藥如牛黃蘇合等丸如喉已潰爛芫荽觀音柳棉綾紗櫻桃核一切均宜忌用其用吹藥也則有十寶丹西牛黃三分貝母三分煨人中白五分血琥珀五分子另研大珍珠六分入豆腐內煮去油大梅片半分潰爛不宜多人退甲四分陰陽瓦炙焦如一時難覓卽用煨龍骨四分亦可鯖魚膽五分大者佳陰乾收用如無鯖魚膽用青果核三枚煨代之馬勃三分礪砂四分研極細末治爛喉痧無論已潰未潰能消腫止痛化毒生肌以及痧疹後牙疳楊梅毒結咽喉仙方也又玉鑰匙

元明粉五錢。水飛礪砂五錢。水飛硃砂六分。冰片五分。製殭蠶五分。用新傾銀罐。先礪後硝。層層間煉。如昇枯礬之狀。鬆脆爲貴。研極細末。置冷地。出火氣。後加冰片。一切喉證立效。其用吐法也。真膽礬三錢。卽石膽也。冬月用鯖魚膽。拌陰乾。研極細末。水調送下。吐出頑痰立愈。如無鯖魚膽。製者亦可用。又吐法。礪砂二錢。火硝六分。米醋一錢。薑汁半錢。用鵝翎探入喉中。吐痰碗許。活者甚多。其嗽喉也。鮮土牛膝根。洗淨搗汁。重湯燉溫。頻嗽口及喉。並治一切喉證。消腫散血。止痛化痰。又有萬年青葉。洗淨搗汁。加滴醋少許。頻嗽之。破爛者。

去醋其敷項腫也。生白礬、明雄精等分，研極細末，溫水調塗。治痧後毒結漫腫，堅硬神效。又紫金丹多年尿池中碎，取木炭火上煨紅，再入滴醋內泡透，再煨再泡，如此五七次，取出研細末，每兩加麝香一分，用滴醋白蜜各半，熬滾調敷，如塌皮形色紫豔，用陳菜油加蛋清少許調塗，其治痧後牙疳也。青黛一錢，西牛黃二分，煨人中白一錢，冰片三分，大珍珠五分，回龍骨一錢，瓦上煨炭，舊紅檀子炭一錢，小紅棗七枚，去核，每箇內入明雄少許，煨炭，血餘炭研細末，瓷餅收貯，勿令洩氣。治走馬牙疳，先用冬青葉煎水漱淨，以是藥糝之，其驅

瘟辟邪也。生大黃二兩。茵陳一兩。降香末一兩。蒼朮五錢。研末拌勻。燒煙熏之。又避疫法。凡入病家。不宜空腹。飲雄黃酒一杯。再以香油調雄黃末。蒼朮末塗鼻孔。出則以紙撚探鼻中得嚏。則自能保全矣。又凡人行走於時疫之鄉。口中常念游光厲鬼四字。卽能避疫。黑夜行路誦之。亦能免鬼祟。

案沙治各方。雖云經驗。然有可議之處。痧色紫豔。遵大全用活血法。足以補疫痧草之闕。然須佐以清肅治肺之法。悶痧證重藥輕。以致百無一生。且嚏用辛燥藥。似有助紂爲虐之虞。其刺法。吹藥法。外敷避疫等法。惠人實多。惕厲

程鏡宇論痧喉

古歛程鏡宇著有痧喉闡義。謂天有非時之氣。地有旱澇之災。上下相摩。氤氲鼓盪。以致清陽不升。濁陰不降。蘊結者爲疫氣。疫者鬱也。卽濁陰之氣鬱結不散。感觸萬物。故雞犬每斃於災。蝗禾稼亦傷於蝨。人染之則痧喉互發。是疫也。或歲值不承。或天符不應。或在泉所侮。或司天獨勝。其至也非時。其行也無定。冒元府而不知。感呼吸而莫覺。彼染此傳。如蠶引鐵。蓋疫痧時氣。吸從口鼻。併入太陰。氣分者則爛喉。併入陽明。血分者則發痧。太陰者肺臟也。主喉而屬氣。陽明者

胃腑也。主咽而屬肌肉。喉通呼吸。咽司飲食。一臟一腑。同受疫邪。一氣一血。各呈其象。故爛喉者。色多白。病在肺而屬氣。發痧者。色多赤。病在胃而屬血。其疫則一也。一發於咽喉之地。一達於肌肉之間。移步換形。故在肺則曰爛喉。在胃則曰發痧。是以名爛喉痧。喉痧氣血同病。內外異形。朱鐵山獨創痧本喉末之論。則是疫有二邪。一病兩治。緣疫痧之發。氣血有分形。痧喉無本末。陳耕道謂表邪末也。火熾本也。二語明切。疫痧一證。不外熱毒。熱爲火之餘。故熱勝則腫。毒爲穢之積。故毒勝災膚。然熱非清涼不解。毒非芳香不除。清涼解毒。

芳香逐穢治疫要領。再視其氣質何如。隨證而變通之。推挈鍼刺其法最古。大旨爲痺證而設。痺者氣機阻閉。鍼之取義如以管入水。閉其上則下不出。旁穿一隙則水自洩。痺則刺經穴以通其氣。非謂鍼刺以洩毒耶也。毒既干經。豈一鍼之微遂將毒洩出耶。若誤用溫燥發表。津液被劫。誤用苦寒消導。往往痧勢將達反爲寒涼遏伏。故葉天士以發散消導爲疫家大戒。意旨良深。又恐拘迂之輩不察表裏。不分輕重視寒涼爲畏途。奉發散爲圭臬。成見貽害。故當於一發之時辨證立法。宜散宜涼。方有膽識。唐迎川誤將金匱論陽毒之爲

病升麻鼈甲湯主之。以爲陽毒卽是疫痧。不知金匱所論乃風寒凝結病發氣分者曰陽毒。病發於血分者曰陰毒。實非疫癘時行之毒也。迎川不知蜀椒雄黃從治之方顛倒錯置。大乖金匱本旨。卽以疫論原無取乎蜀椒雄黃。縱使用之亦當置於陽毒。取其導火下行。芳香解穢。正是以火引火之義。陽毒恰好。若用之陰毒者。陰血已爲毒傷。豈有再加辛熱更灼其陰之理。何謂傳寫之謬。此亟當辨正者也。夫肺氣實胃氣虛者。胃腑受邪。發痧不爛喉。肺氣虛胃氣實者。肺臟感疫。爛喉不發痧。抑知有不盡然者。肺主呼吸。聲息飲食與胃相

依肺脈起於中焦。下絡胃之上口賁門。肺病爛喉。喉毒隨吸入胃。胃既吸受肺毒。此爛喉無不發痧。內經曰。陽病者上行極而下。以肺病累及胃耳。其論痧也。色在紅勻。不在多寡。鮮紅細碎。着手有痕者吉。週遍均勻。肌膚作癢者亦吉。徐徐緩達。從裏透出者亦吉。若驟形滅沒。神色昏迷者爲內陷。痧後點上白泡。大而有漿者多凶。痧後遺毒發於項顙。以及汗後痧隱者皆險。四肢浮腫而亮者。多敗於十日之間。其論喉也。喉白者。邪干太陰。發於氣分。或有伏寒而挾濕邪者。爛痕亦多白色。白爲肺本色。無足重輕。白而且腐。狀如粉皮者。氣分

大傷爲難治。白爛而穿及鼻孔者。俗名天白蟻。以及治喉吹藥而涎不生者。均難治。爛喉噤者吉。呃逆者凶。嗆咳者險。失音與氣促者均險。痧脈宜絃數有序。忌軟弱。沈而伏者邪未達。數大而空者正弱邪勝。陽證見陰脈者死。其由痧喉而論證也。面紅亮目赤者。火盛也。青滯者。毒盛內伏也。鼻煤者。胃熱極也。鼻塌者。肺胃之氣欲絕也。初起有黑色繞於鼻間者。胃有伏熱也。鼻衄者。胃熱涌血上行也。脣絳者。胃液虧也。脣紫而裂者。胃液涸也。譫語者。邪陷心胞也。鼾睡者。毒防內陷也。惡寒者。邪侵衛也。惡寒而後熱者。邪既入衛。隨衛氣以出。

入也。嘔惡者。胃熱也。欲吐不吐。乾惡神呆者。胃邪將犯心營也。便秘者。胃有燥屎爲火結也。腹痛者爲最忌。防悶痧也。有汗者。心液足也。無汗者。心液虧也。便溏而色黝者。邪從表洩也。喉爛而口臭者。肺胃化腐也。口糜者。胃熱極而上騰也。其論治法也。時行疫氣。非風不傳。故列子謂風爲大塊之噎氣。雖陰霾不開之氣。一遇風而鼓盪之。卽化而爲陽矣。故疫屬陽邪。陽淫熱疾。初感在表。雖屬惡寒。然邪本於熱。此宜涼散兼施也。惡寒者。風傷衛。熱傷氣。衛氣不敵而退縮。邪卽勝之而寒作矣。陽邪鼓動最速。既侵衛分。旋隨衛氣以相出入。又

從衛化而爲熱。陽亢則陰消。所以疎達養陰。不能偏廢也。初起神呆。痧點隱約。燥熱爛喉。來勢猛烈者。此時以小劑嘗試。是優柔養奸。必致釀成巨患。譬之車薪杯水。適以增燄。若僅以苦寒從事。是不通風火之情。激成燎原之勢。蓋風之性宜疎火之性宜發。所以涼劑中必兼疎達也。其立方依陳繼宣。沙耀宗。朱鐵山三家。並集葉天士吳又可治疫之湯劑。又附成法外治之藥。人中白散。建青黛一錢。礪砂一錢。人中白一錢。粉兒茶一錢。元明粉五分。馬勃五分。龍腦薄荷五分。梅片二分。西牛黃三分。珍珠五分。研細末。吹擦患處。治口舌糜爛。

牙疳。牙牀腐潰。咽喉腫痛者。品雪二妙散。礪砂四錢。牙硝二錢。冰片三分。土牛膝五錢。治紅白喉痧。喉閉。喉蛾者。喉閉塞鼻方。蟾酥七分。細辛四分。辰砂三分。麝香二分五釐。冰片二分五釐。牙阜四分。半夏三分。辛夷四分。巴豆四分。去油。牛黃二分。雄黃四分。研極細末。用紅棗切破一頭。去核。將藥少許。納入棗內。用綫紮封棗口。左痛塞右鼻。右痛塞左鼻。若小孩鼻小。棗不能塞。或用棉花包藥紮塞亦可。但不能令藥靠肉。以免腫泡之患。若喉閉勢重者。用兩棗將兩鼻齊塞。治痧喉喉閉。氣息不通。命在垂危者。有起死回生之功。較之用臥龍

丹。紫金丹。開關各法。不能得。噫。百無一生者。不若此。棗一塞。痰氣漸鬆。人事轉醒。洵多神效也。

案程論精通。較疫痧草有過之無不及。其論唐迎川誤引金匱陽毒一節。深切著明。治法清涼解毒。芳香逐穢。涼劑中兼疎達。以及用棗塞鼻之方。洵有卓見。但疫火鬱結。痰凝血瘀。因之而生。方中尙未論及。仍是陳繼宣一流人物。須仿王孟英甘寒大劑。蠲痰開結。宣通經絡。以補其缺憾。庶不致有百無一生之慨。

惕厲于

王聘之論痧喉

邇上有好用大黃者。王聘之名莘農。土人呼爲王大黃。著有醫學一貫。溫病辨正諸書。其論喉痧一證。患者甚多。無如近來治法。未得其要。以致死者接踵。緣此證係邪氣襲胃。合渣滓蘊釀而爲熱毒之氣。由食管上熏咽喉。紅紫腐爛。外蒸肌膚。而見疹點。其實只一內熱實證是也。治宜蕩滌簡而且易。奈何以散風托疹之藥。誤投貽害。死者甚速。一家傳染。相繼云亡。劇爲可憫。茲將屢治必效之方。特爲錄出。以期拯救。惟望醫家病家見之。卽照此方煎服。攻下濁滯。至舌苔退盡爲

止其大黃分兩由二三錢用起。如藥輕但下稀水無益亦無妨。加用自效。或只二三劑卽不敢用。不知以舌苔爲準則亦難收全效也。不但喉疹爲然。凡一切溫病時疫皆宜。病由內發見於外。其氣純熱絕無寒溼。亦無外感之因。最忌發散溫燥之品。前人手太陰募原之說。實屬差誤。病起陽明直攻胃結。則喉痧暨諸溫病永無死證矣。醫關人命若有虛妄之言。自干天譴。惟祈諒之。共成仁術。是幸。大黃二三錢至七八錢不等。風化硝和服。一二三錢不等。枳殼一錢五分。黃芩二錢。元參二錢。射干一錢。生甘草一錢。

案疫邪從口鼻吸入其偏重於肺者宜辛涼辛寒辛香諸法。迫傳入於胃。每挾胃中有形之物薰灼爲患。非下奪不可。王君之學得力於張子和吳又可。故善用大黃。然亦確有見地。非造言欺世之流也。孫慎山

案王論喉疹溫疫毫無寒溼外感。乃用下奪之品。未爲無見。大抵喉疹有三因。由外感風寒或風熱者一因也。由內熱而發於外者二因也。又有由外感而引動內熱者三因也。外感以清散主之。由外感而引動內熱以先散其外後撤其內主之。若由內而發則純以硝黃愈之。王氏殆治內

發而以上病取下者耶。然大黃爲將軍之品。能禦亂。亦能
作亂。苟不善用之。則生靈塗炭。安可不慎之。又慎哉。子楊厲

施小橋論痧喉

施小橋名猷。崇川人。同治年間著痧喉證治彙言。言人身二氣偏勝則病。更加以疫癘之氣。則爲毒。陽勝者病痧喉。脈則不浮不沈而數。先涼散。後清解。便愈。其或有陽盛陰虛者。或病將作而入房。或病初愈而復感。或婦人新產而卽病。脈必浮數無力。熱盛面赤。喉痛神昏。嚙語如夢。總由陰不濟陽。陽毒內陷。升散則陰不能達。清降則陽愈深入。逡巡告敗者。此也。抑或陰盛陽虧者。平時好靜惡動。陽氣先餒。偶感厲氣。則一派陰霾。早起而蔽之。散之則陰盛不能作汗。涼解則以陰

從陰陽愈不出。往往當發熱之候。旋見肢厥神昏。兩三日卽死者。二證皆不治。醫者不可不知。

案痧喉證治彙言一卷。施小橋所著。所采各家正義已載。蓋先得我心者。然論升散一法。散之則可。升之則不可。此升柴葛根麻黃所宜禁也。小兒爲稚陽陰虛之質。最易染此等病證。治之得法。宜散則散。宜寒則寒。未有不保全者。所慮者悶伏內陷。達無可達。發無可發。其中亦有可起之證。切勿以陽盛陰虛。陰盛陽虧者。推諉因循。坐以待斃。徒泥於施論而蹈忍人之習。最宜切戒。

楊厲子

痧喉正義總論

疫重證也。仲聖於清濁互中之旨發明而外。不置一詞。聖人救世深衷。何其略也。漢代至今。千百年來。風霜兵燹之餘。書缺有間矣。古多寒證。今多溫證。溫疫之毒。日甚一日。邇來疫氣流行。夏秋之際。爲最。其證情之變化。不可逆料。其感病之天殤。不可勝數。由疫發痧。外達者。易於爲力。內伏者。難於求生。以圖救療。大劑方藥。尙能任其自飲。乾嘉而後。疫毒攻喉。喉爛甚。卽不能嚥。始有爛喉痧之名。雖有扁鵲神技。不能越喉而過。愈歎其難也。市醫不察。仍執前人寒痧之陳方。升麻

葛根湯柴葛解肌湯一切辛溫升散諸品以爲治痧之祖劑。不知是痧也。由疫火而發。誤服溫升諸藥。疫毒上攻盤踞。吸門初病一誤。圖救爲難。天之火運至今益熾。人之劫數至今彌盛。目擊心傷。不忍坐視。爰集各方家論疫論痧論痧論痧喉種種治法。合爲一卷。但其中議論紛歧。或曰宜表。或曰不宜表。或曰宜下。或曰不宜下。或曰宜刺。或曰不宜刺。或曰宜寒。或曰不宜寒。或曰忌溫燥。或曰宜溫燥。陳繼宣始則疏達。繼則清化。卽斥疏達之非。程鏡宇清涼解毒。又責寒涼遏伏之誤。是自相齟齬也。余師愚治以石膏。以爲不宜表不宜

下王聘之專事下法以硝黃勝之是余與王相齟齬也程鏡
宇不宜鍼刺王孟英以刺洩其毒是程與王相齟齬也各家
皆忌溫燥獨朱鐵山以辛溫燥熱出之是朱與各家相齟齬
也豈不令人無所適從哉因憶余弱冠游庠後好讀方書見
一書中有齟齬之語莫得其解鬱悶異常見此書痛斥彼書
之失輒廢書而歎就市醫詢之則莫能言其所以然且以爲
非有傳受不可逾時又讀之思愈結念愈深一夕安睡夢得
漢衣冠人諠諠相告曰多讀自知於是年復一年所讀者數
千百卷於前日書中齟齬者竟知之於此書斥彼書之失者

而又知其孰是孰非。管子云。思之思之。鬼神通之。其在此乎。嗟乎。古人我師也。古人之可師者。我師之。古人之不可師者。我知之。我不師之。軒岐何師。仲聖何師。近時徐洄溪爲一代傳人。祇以習方書上溯靈素而已。近來臨證尤多。乃知市醫無古訓。徒以大言欺人耳。醫必審病因。知來路也。參脈證。知去路也。平時講習。以何者爲當。散當下。當寒當溫。當刺之證。以何者爲禁。散禁下禁寒禁溫。禁刺之證。務獲真詮。自能胸有把握。而後參之以臨證。自有定見。以立方。又何憂險危之患不起也。寶應楊鴈子張振整。後彩誌於海陵仙館。

痧喉正義音釋

脹

音帳

腹

腫

音種

膚肉

臟腑

音丈

府

肝

心

脾

肺

腎

為

五

臟

屬

滿

也

陽

癆

音勞

今

人

以

積

癆

音

勞

核

外

殼

如

栗

萊

一

名

惡

實

似

蒲

味

苦

寒

旱

同

殭

音

薑

死

不

朽

也

蠶

瘡

音

軫

俗

原

妄

音

原

隧

無

毒

旱

同

殭

死

而

白

日

殭

蠶

瘡

音

軫

俗

原

妄

音

原

隧

音

遂

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

疥

音

酸

疥

音

欣

疥

音

養

疥

音

因

齒

烙

音

落

痞

音

否

腹

疥

音

強

急

身

反

張

如

中

風

狀

為

瘰

呢

音

厄

氣

逆

上

疔

音

紫

又

音

本

草

鼻

音

苾一名烏莢 痞音配又 粃音西米 腠音湊膚腠也 癍音班劇急

俗名勃薺 痞音倍 粃碎日栖 腠肉理分際也 癍班劇急

甚絳音降大 鯖音青青魚 搗音倒手 燉音遞尿音料小便也

也絳赤色也 鯖古作鯖字 搗椎也 燉煨也 尿今亦作溺

瓢音專 塌音榻 荒音元與 糝音產以米 礙音艾 潰音跪 熾音

瓢瓦 塌墮也 荒原同 糝和羹也 礙妨也 潰散也 熾志

火盛 滲音禁下 泄音歇漏也 衄音肉鼻 檉音稱河 喘音舛疾

也 滲漉也 泄又與洩同 衄出血也 檉柳也 喘息也

麩當是麩字音夫 繆音謬 踞音具啞音雅不 醎音咸與鹹同 澀

小麥屑皮也 繆錯也 踞具音啞言也 醎味不淡也 澀

音色不 蛔音回腹 躁音紹蛻音稅蛇蟬 灼音勺 燠音罕炙也

滑也 蛔中長蟲 躁疾也 蛻所解皮 灼炙也 燠又火盛貌

攪音絞 鬆音松不 鑽音硬恩去聲 齟齬音矩語齒不 殂音徂

攪亂也 鬆緊也 鑽專音硬堅牢也 齟齬相值日齟齬殂死也

斃音弊死 濇音石不 麤音同 僉音籤 殼音確物 涸音鶴 誹音菲

也 斃也 濇也 麤粗 僉皆也 殼皮空也 涸竭也 誹誹毀

也 韞音尾大 蔗音柘甘 燄音厭火 朦朧音蒙朧似 竅苦弔切

也 韞葭也 蔗蔗也 燄行貌 朦朧睡非睡也 竅穴也空

也 韞音尾大 蔗音柘甘 燄音厭火 朦朧音蒙朧似 竅苦弔切

也 韞音尾大 蔗音柘甘 燄音厭火 朦朧音蒙朧似 竅苦弔切

也 韞音尾大 蔗音柘甘 燄音厭火 朦朧音蒙朧似 竅苦弔切

也 韞音尾大 蔗音柘甘 燄音厭火 朦朧音蒙朧似 竅苦弔切

也人身有陽
 駁七陰駁二
 羌音腔
 殞音運
 殤音利
 疫音役
 役也言有鬼行役

也
咯音計排
各音擠也推也
熬音敖乾
煎也
蛋音旦雞
卵也
煨同銳音
段煉也
餅音平汲
木器也

漈音受盪口也
 撚音輦以手揉物也
 茵音因本草茵陳蒿註經冬不死更因舊苗而生故名因陳
 崇音歲

鬼作襲音醖
也音亮
醖也
焙音倍
烘也
窠音科
穴也
蠲音捐
除也
橄欖音敢覽
果木出

交趾一汛音鞢同鞋漈音立水下瘥音初疾綻音暫瀕音平

臨危音收小洩音料與尿淋音全病淋音全病痲音抽痲音抽

也音輕草音埋干音翰臥息也吳某音梅灰

不軌也。善也。入諱。鼻爲鼻。集也。

痧喉正義一卷終